



REGULAMENTO

CIRCUÍTO GALEGO ABSOLUTO DE POOL

TEMPADA 2025/2026



ÍNDICE

1. FORMATO.....	2
1.1. FORMATO DO CIRCUÍTO.....	2
1.2. FORMATO DE XOGO.....	3
1.3. TÍTULOS.....	4
2. INSCRICIÓNS.....	4
2.1. PROCEDEMENTO.....	4
2.2. SORTEO.....	6
3. DESGLOSE ECONÓMICO.....	6
4. MECÁNICA DOS TORNEOS.....	7
4.1. HORARIO.....	7
4.2. CONTROL DO TEMPO.....	7
4.3. ASISTENCIA.....	8
5. PUNTUACIÓN E CLASIFICACIÓN.....	9
6. CAMPIONATOS GALEGOS.....	10
7. BECAS DE PARTICIPACIÓN.....	11
7.1. BECAS PARA COPAS E CAMPIONATOS DE ESPAÑA.....	11
8. SENSHI CUP.....	13
9. COPA DE CLUBS.....	14
10. RÉXIME DISCIPLINARIO.....	14
10.1. INDUMENTARIA.....	15
10.2. PENALIZACIÓNS.....	15

1. FORMATO

Todo o redactado no presente documento estará suxeito a cambios de carácter excepcional, motivados por calquera situación extraordinaria que impida o normal transcurso da competición, e que se escape do control da propia organización.

1.1. FORMATO DO CIRCUÍTO

Esta competición denomínase Circuíto Galego Absoluto de Pool e poderá participar calquera xogador con **licenza federativa nacional** en vigor.

Estará formado nesta tempada por seis probas ordinarias máis os Campionatos Galegos Absolutos de Bóla 10, Bóla 9 e Bóla 8 (sete pés).

O Campionato Galego Absoluto de Bóla 8 en 7 pés está vinculado o CGA en canto á reserva económica para premios e para o orden de xogadores por ranking.

O resto de Campionatos Galegos, sexan de federación ou non, non terán vinculación co CGA nin económica nin de ranking de xogadores.

Cada proba do Circuíto estará dividida en un Cadro A e tres Cadros B que se repartirán entre as seguintes sedes: Sede Manhattan, Sede Poolroom, Sede Teo, Sede Xove, Sede Adai e Sede Rías Baixas. Participarán no Cadro A (Club Billar Teo) os 16 mellor clasificados da xornada anterior, xunto cos semifinalistas dos cadros B. Completarase o cadrante ata chegar a 32 xogadores por estricta orde de clasificación. O resto de xogadores inscritos participarán nos cadros B. Os catro cadros de xogo puntúan para unha clasificación única.

Na **primeira xornada**, e de maneira **excepcional**, os xogadores que acaden a final dos seus respectivos cadros B, terán a oportunidade de participar no cadro A da primeira proba, podendo ser así a primeira proba de cadro A de ata 38 participantes. Se deciden xogar o cadro A da primeira xornada, perderán os puntos obtidos no cadro B e



quedaranse coa puntuación que obteñan no cadro A. Se deciden non xogalo, xogarían o cadro A da segunda proba e conservarían os 220 puntos acadados na primeira xornada do cadro B. Na segunda proba, completárase os xogadores que falten por orde de clasificación.

A distribución de xogadores por sedes farase por criterios de zonas xeográficas, da seguinte maneira:

- **C. B. Teo** - Xogadores do sur da provincia da Coruña (límite Ordes) e Salnés (máis Pontevedra Norte e Ourense para compensar).
- **C. B. Manhattan** - Xogadores da provincia de Pontevedra e Ourense.
- **C. B. Adai** - Xogadores da provincia de Lugo e norte da provincia da Coruña (máis Ourense para compensar).
- **C. B. Poolroom** - Xogadores da provincia de Lugo e norte da provincia da Coruña (mais Ourense para compensar).
- **C. B. Xove** - Xogadores da provincia de Lugo e do norte da provincia da Coruña.
- **C. B. Rías Baixas** - Xogadores do Salnés e do sur da provincia da Coruña (máis Pontevedra Norte para compensar) .

1.2. FORMATO DE XOGO

A competición xogarase en mesas de 9 pés, alternando cada xornada entre as modalidades de bóla 9 e bóla 10, a dobre eliminación, variando a distancia de xogo en función da rolda do torneo e da participación.

Dentro do KO Directo, non se sortearán os xogadores que se clasifiquen pola zona de gañadores. Só se sortearán os da zona de perdedores, e en ningún caso poderán enfrontarse en primeira rolda desta eliminación directa aos xogadores cos que se xogaron a clasificación a dita rolda previamente.

Ante calquera dúbida de normativa, a organización decidirá sempre en base á norma establecida pola EPBF.

1.3. TÍTULOS

Durante a tempada xogarase polos títulos tanto individuais como por clubs que se definen a continuación:

- **Campión do Circuito Galego Absoluto:** Reservado para o primeiro clasificado despois das 6 probas ordinarias.
- **Campión galego absoluto de bóla 8:** Reservado para o gañador do Campionato Galego de Bóla 8 (sete pés).
- **Campión galego absoluto de bóla 9:** Reservado para o gañador do Campionato Galego de Bóla 9.
- **Campión galego absoluto de bóla 10:** Reservado para o gañador do Campionato Galego de Bóla 10.
- **Campión da Copa de Clubs:** Reservado para o club que máis puntos obteña na clasificación a final de tempada, incluíndo os puntos conseguidos nos Campionatos Galegos Absolutos de Bóla 9 e Bóla 10.
- **Campión da Senshi Cup:** Reservado para o club gañador da Senshi Cup.

2. INSCRICIÓN

Cada proba do Circuito terá unha inscrición de 30€ para categoría absoluta, 20€ para categoría feminina e 5€ para categoría júnior que irán destinados íntegramente para premios derivados do Circuito, máis os gastos de organización.

2.1. PROCEDIMENTO

Os clubs serán os encargados de inscribir aos seus xogadores. Para simplificar a comunicación entre clubs e federación, os representantes de cada club deben facer unha única transferencia bancaria á conta da federación. A continuación, para completar o proceso de inscrición, será preciso que envíen un correo electrónico a



fegabi.pool@fegabi.es, adxuntando o xustificante da transferencia xunto co listado de xogadores inscritos.

A organización facilitará un documento formato excel aos clubs, para elaborar o listado de inscritos a cada proba, onde se fará constar todos os datos que se solicitan na plantilla.

Só se terán en conta as inscricións que cheguen á dirección de correo indicada, por parte de cada un dos clubs, antes da data e hora fixada en cada convocatoria e no formato de documento que se indica.

En canto estea dispoñible as inscricións poderán facer directamente na páxina web da Federación Galega de Billar. Ata daquela, o proceso será o reflectido neste regulamento.

Unha vez publicadas as listas de inscritos na páxina de facebook da Federación Galega de Billar, sempre o martes anterior a cada proba ao redor do mediodía, os xogadores terán ata as 19 horas dese mesmo día para comprobar que están nas listas. É responsabilidade do xogador comprobar que figura nesa lista e reclamar calquera erro que puidese haber.

Só entrarán no sorteo os xogadores que estean correctamente rexistrados.

Se un xogador se inscribe correctamente nunha proba e non asiste, só se lle gardarán os cartos como aboados de cara aos campionatos galegos a primeira vez, a partir desa proba, as seguintes que non asista, perderá os cartos da inscrición e a proba non lle contarán como aboadas.

A inscrición dun xogador nunha proba implica a aceptación deste regulamento.

A inscrición as probas de este Circuito leva implícita a cesión dos dereitos de imaxe para todo o relacionado con este evento deportivo.

Todos os eventos do Calendario da FGB son considerados públicos e polo tanto os datos dos deportistas participantes son notorios, de proxección pública, moi especialmente cando se obteña podio ou recoñecemento deportivo e social, e polo tanto son

datos onde predomina o interese histórico e deportivo da FGB, celebrados en lugares abertos ao público. Así será de aplicación o artigo 8 da Lei Orgánica 1/1982, de 5 de maio, e o uso das imaxes queda publicamente aceptado e autorizado, respectando o dereito fundamental ao honor, á intimidade persoal e familiar e á propia imaxe. No caso de non desexar ou outorgar o seu consentimento para o tratamento dos datos anteriormente citados, o deportista non poderá participar no evento deportivo DE NINGÚN MODO mesmo aínda que teña realizada e formalizada a súa inscrición. Aínda así, no caso de que estea no lugar do evento aberto ao público, mesmo sen participar, e a súa imaxe fose captada de forma accidental, será de aplicación o artigo 8-c da Lei Orgánica 1/1982 como imaxe simplemente accesoria e poderá ser reproducida sen o de seu consentimento, segundo o citado artigo legal.

2.2. SORTEO

Os martes previos ás probas do Circuito, ao redor das 20 horas, farase o sorteo das tres sedes a través de Facebook Live da Federación.

Os xogadores irán colocados nos cadros por estricta orde de clasificación, so se sortearán os xogadores novos que non teñan puntos na clasificación. Para a primeira proba tomarase como referencia a clasificación final do Ranking Galego Absoluto 2024/2025 e a clasificación da 6ª proba do RGA da tempada anterior, a partir de aí, utilizarase a clasificación da tempada actual.

Na primeira proba, sortearase a posición dos posibles 6 xogadores que salten do cadro B ao cadro A.

Os mércores previos aos cadros B publicaranse os cadros cos horarios das primeiras roldas de cada xogador no Cuescore de cada sede.

3. DESGLOSE ECONÓMICO

Do importe total das inscricións de cada proba, restaranse os gastos de organización que se deriven da mesma que serán de 180€ por sede e 100€ por xestión federativa.

Do total que quede despois de restarlle os gastos de organización, os cartos repartiranse do seguinte xeito:

- Destinaranse 600€ en axudas para os Cadros B, 50€ para cada semifinalista.



- Repartiranse 1160€ en axudas no Cadro A.
- O restante reservarase para os premios dos Campionatos Galegos e 250€ para o Campión do Circuito Galego Absoluto.

A repartición de axudas en cada proba do Circuito no cadro A será a seguinte:

- 1º Clasificado.....250€
- 2º Clasificado.....170€
- 3-4º Clasificado.....110€
- 5-8º Clasificado.....70€
- 9-16º Clasificado.....30€

A repartición de axudas para os Campionatos Galegos Absolutos estarán especificadas nas convocatorias dos mesmos, sendo as cantidades iguais para os campionatos deste Circuito.

Tódalas becas estarán suxeitas ás retencións que determine a lexislación vixente en cada momento. Será necesario dispor dunha conta bancaria para tal efecto.

**Tódolos premios están suxeitos a posibles modificacións en función da participación.*

4. MECÁNICA DOS TORNEOS

4.1. HORARIO

As probas do Circuito terán previsto o seu comezo ás 9 da mañá en todas as sedes, a non ser que, por motivos de organización, algunha das sedes decida modificar devandito horario.

Excepto no primeiro partido, o xogador deberá presentarse na sede de xogo media hora antes do horario previsto.

4.2. CONTROL DO TEMPO

A organización implementará un control de tempo, sempre que sexa posible, que asignará un tempo de xogo a cada participante para cada enfrontamento. Se un xogador quedase sen tempo antes de rematar o partido, perderá ese enfrontamento. O número de partidas gañadas que reflicta o marcador final para ese xogador, será o que teña no momento xusto en que se termine o tempo.

A organización asignará mesa para cada enfrontamento a través da aplicación cuescore e será responsabilidade do xogador estar atento para asistir ao enfrontamento.

Unha vez asignada a mesa, os xogadores dispoñerán dunha marxe de 5 minutos para efectuar o punteo ata que se poña en marcha o tempo do enfrontamento.

No suposto dunha participación moi elevada, só se poderá quencer (un triángulo), fóra do tempo de enfrontamento, na primeira rolda do torneo; e será decisión da organización.

Se un xogador non está na mesa, preparado para xogar, no momento da posta en marcha do tempo, por cada 5 minutos de atraso irase engadindo unha partida gañada ao seu adversario, e por suposto, será o tempo do xogador ausente o que se irá descontando. Ao chegar ao 3-0, daráselle o enfrontamento por perdido.

En caso de que non asista ningún dos dous xogadores, o xogador que ocupe mellor posto na clasificación pasará para gañadores e o rival para perdedores.

Concederánselle dúas extensións a cada xogador en caso de que as precisen. A primeira de 5 minutos e a segunda de 3 minutos. Non se poderán utilizar as dúas no mesmo enfrontamento. Estas deberán ser solicitadas antes de rematar o tempo e sen ningún tipo de condicionante contará como consumida.



4.3. ASISTENCIA

Se un xogador formaliza a inscrición a unha proba de cadro A ten a obriga de asistir á mesma.

Por causas de forza maior, permítese non asistir a unha proba do cadro A, pero se isto se repite unha segunda vez na tempada, o xogador será sancionado co descenso directo ao cadro B con independencia do motivo.

No caso de coincidir unha proba do Circuito con outro torneo oficial da mesma modalidade dunha entidade superior, o xogador debe comunicalo á organización no prazo de inscrición, non formalizar a mesma nin facer o pago. Sendo unha causa de forza maior deportiva, obtería a puntuación equivalente a alcanzar os octavos de final na proba e a praza para o seguinte cadro A.

5. PUNTUACIÓN E CLASIFICACIÓN

A puntuación por proba asignarase da seguinte forma:

CADRO A		CADRO B	
POSICIÓN	PUNTOS	POSICIÓN	PUNTOS
1º	450	1-2º	220
2º	380	3-4º	200
3-4º	320	5-8º	180
5-8º	270	9-16º	165
9-16º	230	17-24º	150
17-24º	200	25-32º	140
25-32º	175	33-49º	135

O resto de xogadores puntúan 5 puntos menos por rolda.

Os xogadores que non asistan non obterán puntos na proba.

A clasificación do Circuito queda establecida segundo os seguintes criterios:

- 1º Puntos.
- 2º Diferencial de partidas.
- 3º Partidas gañadas.
- 4º Probas disputadas.
- 5º Sorteo en caso de empate en todas as anteriores.

No caso de que, pola causa que fose, non se disputasen un total de 4 probas do Circuito antes do Campionatos Galegos, a clasificación xeral ata ese momento quedará sen efecto de cara á designación dos cabezas de serie.

6. CAMPIONATOS GALEGOS

A organización resérvase o dereito a variar a inscrición e o formato por motivos excepcionais buscando satisfacer as necesidades dos xogadores do Circuito.

6.1. CAMPIONATOS GALEGOS ABSOLUTOS BÓLA 8 (sete pés), BÓLA 9 E BÓLA 10

A inscrición será de 30€ categoría absoluta, 20€, categoría feminina e 5€ categoría júnior para cada modalidade de Campionato Galego. Os xogadores que non teñan participado en todas as probas, deberán completar a aportación das 6 probas do Circuito máis a inscrición de cada Campionato Galego.

Os xogadores que ocupen os 8 primeiros postos da clasificación ao finalizar as 6 probas (restándose o peor resultado), serán cabezas de serie para os Campionatos Galegos Absolutos de Bóla 8 en 7 pés, Bóla 9 e Bóla 10, sen ningún tipo de condicionante.

A estes xogadores uniráselle 16 xogadores procedentes da fase previa que serán sorteados aleatoriamente, respetarase unicamente se son clasificados por gañadores ou por perdedores.

7. BECAS DE PARTICIPACIÓN

7.1. BECAS PARA COPAS E CAMPIONATOS DE ESPAÑA

As probas para o Circuito nacional expostas a continuación dependerán, en todo caso, da Federación Galega de Billar, e só se otorgarán en caso de que se disputen as devanditas probas.

A repartición das becas para a participación nos Circuitos da Real Federación Española de Billar repartiranse tal e como veñen anexadas no calendario da competición.

Repartiranse polo tanto sete becas para cada proba de Copa de España Absoluta, sendo cinco delas para categoría absoluta e dúas para categoría senior. Dentro das 5 becas de categoría absoluta, dúas serán para os finalistas da proba, e outras tres para os tres xogadores mellor clasificados que se inscriban á proba da Copa de España correspondente.

Ao remate das seis probas do Circuíto, os catro primeiros clasificados, terán praza para disputar as tres modalidades nos Campionatos de España de Pool e representar a Galicia en seleccións autonómicas¹.

Para xogadores de categoría sénior, repartiranse oito becas para probas do Circuíto nacional, que caerán nas mans dos dous mellores clasificados antes de cada proba de devandito Circuíto, tal e como se indica no calendario da competición.

Así mesmo, un xogador que consiga becas só poderá facer uso das mesmas na proba para a que foron concedias, polo que de non asistir iríanse correndo prazas ata consumirse, polo que non son acumulables nin reembolsables de ningún xeito.

En caso de que por calquera motivo, non se celebren as competicións a nivel nacional, as prazas gañadas polos xogadores non se conmutarán por ningún outro premio, simplemente desaparecerán.

Estableceranse as categorías do seguinte xeito:

- **Categoría sénior:** xogadores que cumpran 45 anos na presente tempada.
- **Categoría júnior:** xogadores que cumpran 18 anos ou menos durante o transcurso da vixente tempada².

¹ No caso de que os 4 mellores non queiran participar, chamarase unicamente aos 15 primeiros da clasificación. Se aínda así non se enchen as prazas, a selección formarana os 4 xogadores que mellor posición teñan na clasificación e se apunten aos Campionatos de España..

² Duración da tempada do 1 de setembro ao 31 de agosto.

8. SENSHI CUP

En cada proba os cinco xogadores de cada club que consigan máis puntos, engadirán os mesmos á clasificación paralela de clubs (no caso de que varios xogadores conseguiran a cantidade de puntos para ser dos 5 mellores da proba, todos eles computarán eses puntos a nivel de clasificación individual do club).

Ao final da tempada celebrarase un campionato de clubs, a SENSHI CUP. Non computará para a clasificación o Campionato Galego de Bóla 8, pero si o de Bóla 9 e o de Bóla 10.

Para que un club teña dereito a puntuar cada proba, precisará presentar un mínimo de 5 xogadores.

Para que un xogador teña dereito a participar, precisará participar nun mínimo de 5 das probas puntuables para a clasificación.

Os xogadores clasificados por cada club para o devandito evento, serán os que máis puntos achegasen ao seu club para a clasificación proba a proba. No caso de haber xogadores empatados polo 5º posto, o criterio desempate será:

- 1.- Número de probas puntuadas
- 2.- Maior puntuación en unha proba
- 3.- Si persiste o empate queda a criterio do club

En caso de que algún dos clasificados por cada club, non puidese asistir ao evento, a súa praza pasaría ao seguinte xogador que tivera aportados máis puntos, e que cumpla os criterios que dan dereito á participación.

Para o recoñecemento dun club no Circuito Galego Absoluto, deberá estar recoñecido como tal na Federación Galega de Billar.

Serán os catro mellores clubs os clasificados para xogar no evento. Alí enfrontaranse o 1º contra o 4º e o 2º contra o 3º en semifinais.

No caso de que algún dos clubs renuncie ou non cumpla os criterios, correrase plaza por orde de clasificación.

9. COPA DE CLUBES

En cada proba os cinco xogadores de cada club que consigan máis puntos, engadirán os mesmos á clasificación paralela de clubs. Computarán para a clasificación as probas do Circuito e os Campionatos Galegos de Bóla 9 e o de Bóla 10.

Para que un club teña dereito a puntuar cada proba, precisará presentar un mínimo de 5 xogadores.

Para que un xogador teña dereito a participar, precisará participar nun mínimo de 5 das probas puntuables para a clasificación.

10. RÉXIME DISCIPLINARIO

Este réxime disciplinario toma como referencia a normativa para os Campionatos de Europa da EPBF. A organización establece este réxime disciplinario co fin de aplicar unha normativa máis xusta e eficaz para garantir un desenvolvemento normal das competicións e, porén, avanzar cara unha maior profesionalidade e seriedade neste deporte.

En cada Campionato Galego deberá haber polo menos un árbitro có título homologado e a licencia en vigor da RFEBillar. Esta condición implantarase a tódalas probas do Circuito para a vindeira tempada 2026/2027.

Será a organización do Circuito a encargada de aplicar as seguintes penalizacións se así o considera oportuno.



O acceso e desprazamentos dentro da sala de xogo deben ser moi coidadosos para non molestar aos xogadores que estean competindo nese momento. Neste mesmo senso é importante procurar que o volume das conversas sexa o adecuado.

Non estará permitido o consumo de bebidas alcohólicas nin tabaco dentro das instalacións.

10.1. INDUMENTARIA

A indumentaria requerida será a seguinte:

- Calzado escuro e, en caso de ser deportivo, negro na súa totalidade. Calcetins negros.
- Pantalón escuro de vestir, non vaqueiro. Cinturón negro.
- Camisa ou polo con escudo do club ou da federación. O polo debe ir por dentro do pantalón en todo momento.

No suposto caso de ter que abrigarse por mor do frío, so estará permitido por enriba do polo, chaquetas deportivas de chandal co logo do club.

Será a organización a encargada de decidir se a indumentaria presentada polo xogador é a correcta.

10.2. PENALIZACIÓNS

NIVEIS DE PENALIZACIÓN	DESCRICIÓN
Aviso	Dous aviso s convertiranse en pérdida de partida
Pérdida de partida	Pérdida de partida + aviso , será pérdida de enfrontamento
Pérdida de enfrontamento	Pérdida de enfrontamento + aviso ou pérdida de partida , será descalificación .
Descalificación	Tras descalificación , na seguinte proba, o xogador solo necesitará un aviso para estar de novo na pérdida de partida .

Exemplo: Se un xogador recibe 2 avisos e se lle da unha partida por perdida, no seguinte aviso, daríasele o enfrontamento por perdido aínda que xa estivese xogando outro enfrontamento. Se acadase outro aviso máis durante a proba, procederíase á descalificación

A penalización de **Aviso** ven dada por:

- Ter calquera aparato electrónico visible durante o enfrontamento..
- Comportamento que poida ser susceptible de molestia para o resto de xogadores da sala.
- Colle tempo morto sen informar ao rival ou sen usar o seu propio tempo.
- Mal uso do material de xogo.
- Pattern racking. (non colocar as bolas de xeito aleatorio).
- Uso de tizas de cor non compatible co paño (a organización debe proporcionalas).

A penalización de Pérdida de partida ven dada por:

- Practicar na mesa durante un tempo morto.
- Sair das instalacións durante un tempo morto do rival.
- Volver á mesa máis tarde que o rival se é o seu tempo morto.
- Fumar ou consumir bebidas alcohólicas durante un tempo morto.
- Sona dun dispositivo electrónico durante un enfrontamento ou uso do mesmo.
- Calquera conducta antideportiva ou ofensa seria.

A penalización de Pérdida de enfrontamento ven dada por:

- Maltratar material de xogo ou das instalacións.
- Calquera conducta antideportiva que presente unha ofensa moi seria.

A penalización de Descalificación ven dada por:

- Incumplir a normativa de indumentaria.
- Conducta antideportiva que revista unha ofensa cara a organización, xogadores ou asistentes.

Esta normativa de penalización será aplicable durante todo o transcurso de cada proba, non so se limitará ao tempo de xogo, ben sexa dentro das instalacións ou nas suas proximidades.

Os niveis de penalización son acumulables durante todo o transcurrir de cada proba, polo tanto, unha vez acadado un nivel de sanción, a seguinte penalización será a inmediatamente superior.



No caso de descalificación, o xogador queda apartado de todo premio que lle corresponda nesa proba, así como os puntos da mesma e, o comité organizador, xunto coa Federación Galega de Billar, resérvanse o dereito a establecer unha sanción xusta para o xogador.

En caso de reincidencia nunha descalificación, o xogador quedará completamente apartado de toda competición durante o transcurso da presente tempada.